


TEZAUUR LITURGIC
6 NOIEMBRIE

CANONUL
SF. CUVIOS
VARLAAM
DE LA KERETK



MOSCOVA, 2000



Канон преподобному Варламу Керетьцкому, новому чюдотворцу

Песнь 1. Глас 8.

Ирмос: Море огустевая, погрузив со оружием гордаго фараона и люди спасе от работы и введе я в гору святыня, вопиюща: «Поем тебе, Богу нашему, песнь победную, яко прославися». Препетая соестественная Троице, иже паче ума дары рабомъ си дая и моему мрачному уму светлую посла благодать, всех страстей очищающую, песнь ныне начинающи ми.

Освящен убо быв Божественною благодатию служити святому жертвенику, всесожжение словесное принесл еси приятно Богови, яко же Аарон по закону агньца во всесожжение, проображая волное страдание и смерть Христову за весь мир.

Христову плоть роздробляя рукама, и служителя сего истинный явлься, возношения в премирная вознося и отгуду и мир людем своим снося, Варламе пречюдне.

Богородичен: Великий во пророцех Моисей ты написа иногда: Скрижаль богообразне, свещник света, и сень, и жезл процветший,

Всенепорочная, и ручку, манну носящую, Ею же возведохомся от земли к высоте.

Песнь 3

Ирмос: Утвержен рукою своею Слово Божие небеса, на утверждение истинна разума, утверди наша сердца на тя надеющихся.

Агнца несквернаго и богоприятного руками заколая, аггельскому житию поревновав непрестанными молитвами, зритель и жрец сподобися быти благодатию совершаем Святаго Духа.

Лукавый змий не терпяше зрети тя, выну Богу предстояща и молитву о людех приносящу, подходит на твою супругу, вадя насмешение странно. Ты жи ю яко узрев с яростию, на ню устремився, поражаеши ю смертною язвою и гробу предаеши.

Убийству убо совершившиися и земли тело предав, отходиши во град в Колу к тамошнему иерею, и вествуя о убийстве и прося прощения, слезами землю омокая, о содеянных ти в ярости и невоздержании.

Повинувся убо иерей о содеянных ти и дает ти иго лехко: еже мертваго носити во гробе, дондеже изгниет тело умершия, самому же в посте и молитве пребывати, и таково

воздержание имети, яко и рыбе точию единою на Пасху причащатися.

О убийстве убо мертвого таковое запрещение приим, течаша, радуяся, и, сие откопав, в судно вложив во гробе, сам же во второй устремився, с мертвым шествуя летом дванадесят путей по окияну морю по непроходным местом.

Богородичен: Юже лествицу древле Ияков виде, прообразующу о тебе, Богомати, рече: «Степень Божия сия, яже достойно слышиши. Радуйся, Обрадованная, Господь с Тобою».

Седален. Глас 8:

Носиши за плещми мертвое тело, подобяся древним скитским отцем, превитая по горам и по вертепам, яко птица, терпя смрад и всяку скорбь от мертвого телесе, яко же Никифор, великий патриарх, от разбойника умершаго в вертепе. Но он убо три месяцы, ты же три годы, дондеже мертвое тело изгни до конца, и тако паки земли предаде, тем исцеления дар от Господа сподобися прияти, Варламе преподобне, отче наш, моли Христа Бога грехов оставление подати чтущим любовьию святую память твою.

Песнь 4

Ирмос: Услыша же, Господи, слух твой и убояхся, яко неизреченным советом Бог сый

присносущен от Девы произоде, воплощся.
Слава славе Твоей, слава, Христе, пришествию
Твоему.

Видел еси окиянскую пучину нечисту и
человеки непроходиму от множества червия,
иже остовы вертети карабли естество
навыкъших. Яко ж Лествичный Иоанн вопиеть:
«Сей же священныя воды кроплением отгнал еси
на пучину моря.

Аще и естеством непобедими червие быша,
но твоя молитвы Богу послушавши, отбегнути и
отойти повелевши им не в проходима места от
Святаго Носу, идеже тма и мрак глубок без
престани бывает.

Руце, иногда окровавленнии убийственною
женскою кровию, ныне же чисти и святи,
воздеси к вышнему о нас моля, преподобне, и
испрошая от того благодать обрести, нам грехов
оставления и будущих благ получитьи молитвами
твоими.

Людие возрадовашася радостию
неизглаголанною, получивши путь морской
строен и благопоспешен, и благополучен, тя,
своего заступника, воспевающа и Христа
величающа.

Аще не бы ты предстал и помогл, не бы
толиких грузущих червий избавихомся. Ныне же
тебе благодарная возглашаем, яко карабли с

песню отпущающе вспять возвращающесе
целы и невредими приемлюще зовем: «Слава,
Христе, пришествию твоему».

Мужеством души в веру вооружився, бурю и
дождь и всякую воздушную нужду терпя,
потщался еси сохранить заповедь отца своего
духовнаго и того ради приял от Вседержителя
Бога венец победный на страсти и на бесы
исцеление.

Богородичен: Устави неуставное смущение,
чистая Мати Божия, еже к Сыну Ти
направляющи движение, воспевающих: Слава
славе Твоей, слава, Христе, пришествию Твоему.

Песнь 5.

Ирмос. Мрак души моя отжени, светодавче
Христе Боже, зачалобытную тьму. Разгнав
бездныя, издаруй ми свет повелений твоих,
Слове, да утренюя, прославляю тя.

Носиши мертваго, яко жива, в пустыню в
Чюпу с собою и тамо молитвою на врага
вооружашесе, нестерпимыя его стрелы
сокрушая постом и терпением, дондеже приял,
преподобне, помощь от вышняго.

Обновляешися яко орел, подобне,
измывся и очистився в пустыни от всех
страстных деяний, и яко елень быстротекий ко
источником вод очищаяся змииныя яди.

Видал еси зиждему святым Трифаном обитель в Печенге, за окияном морем, и тамо устремися видети того труды и подвизи. И пребыв немного время, пророчески тому о составлении обители прорече:

Оставляеши бо трифаново селение и возвращаешися паки к Керети,— вся тому изрек. О Трифане, сподобился еси обитель воздвигнути и братию собрати, будут бо людие и села зле неукротимы, яко дивии звери, твоей ярости и острожелчию подобящася.

Море убо на плещу своею тебе ношаше ис Печенги в пустыню в Чюпу, влеком корабли своими струями, идеже ядовитыя черви очистил еси и по тням телеса мертвых востающа бесовским действием виде и сим уснути до Христова втораго пришествия повелеваеши, да не бессмертно пребудет злое, яко ж рече иже богословию тезоименитый Григорие.

Богородичен: Уловити мя всегда ищет прелукавый и от того мя сетей исхити, Владыце, и Божественным кровом крилу Твоею цела соблюди.

Песнь 6.

Ирмос. Бездна последняя и прегрешений буря смущает, и во глубину нужную реет мя

нечаяние, но сам крепкую руку ми простри, яко Петрови ото тля, Боже мой, возведи мя.

Чювственныя страсти победив воздержания броздами, чюдодейственне Варламе, чистотою душевною божественно вооружився, стяжав безстрастие и целомудрие, им же Богови паче приближился.

Юности цвет, поты и труды умертвив воздержанием, в вышний вниде чертог во одежду оболчен, достойну звания, на ню ж и зван бысть украшен добродетелми, в невестнице неизреченныя славы возглегл еси.

Добродетели труды и поты, Варламе, покой со всеми святыми приемля, их же и возвесели своим житием.

Образы и подобие к добродетели, отче, возводя всех к высоте божественнаго рачения, добродетели прилежати наказуя.

Богородичен: Тебе общую любочестия, Всенепорочная, нашего естества вси славим, устна едина бывша, и едино согласие совершающа воспевающих Тя, едину Матерь неискусомужную [бывшую].

Кондак. Глас 4.

Волнений множество не влажно проходя, безплотныя враги струями слез твоих крепко погрузил еси, богомудре Варламе преподобне, и

чюдес дар прием, исцеляеши страсти всякия,
моли непрестанно о всех нас.

Икос.

Отверзи ми устне, преблаженне,
богоприятными ти молитвами предстоя Богови,
всеславне Варламе. Да воспою божественное
твое житие и возглаголю достойной добродетели
твои, еже на земли Христа ради совершил еси,
преподобне, столп бо явися и правило светло
иноком, равно аггелом, стяжав житие, в
незаходимая воистинно вселився, моли
непрестанно о всех нас.

Песнь 7.

Ирмос. Дети благочестивыя в Вавилоне телу
златом не поклоняшася, но посреде печи
пламенны прохлаждаеми, песнь воспеваху,
глаголюще: Отец наших, Боже, благословен еси.

В молитвах бодренное и в пощении крепкое,
и терпение во искушениях неослабное, ума
чистотою, подобне, показался еси, земля бо и
земных достойно отступль, небесное обрет,
наслаждение воспевая: Благословен Бог отец
наших.

Острыя имея к Богу внимати страсти
душетленные усыпил еси, и рукоя ти
благоплодия пожал еси, питая благочестно

восхваляющих тя и поющих: Благословен Бог отец наших.

Ревностию Христовою ярость поострив непреклонно слезами и слезными каплями истиннаго плача. Все ярости и напрасньства пламень погасив желаня безчестия несытна, и устну молчанием, вопияше: Благословен Бог отец наших.

Целомудрие, отче, притяжав, им же на божественную любовь возшед, прият дары исцеляти недуги душ и телес наших, ими же к Богу приблизитися можем вопия: Благословен Бог отец наших.

Богородичен: Углем Исая от Серафима от олтаря очищается, возопи велегласно: Се девая во чреве примет и родит сына и нарекут имя ему Еммануил, яже есть сказуемо: С нами Бог. Ему же вопием: Благословен Бог отец наших.

Песнь 8.

Ирмос. Мосикейским арганом согласящим и людем, без числа кланяющимся телу суцу на молебне, трие отроцы песнословяху: Господа пойте и превозносите Его во веки.

Кроток и милостив, и чист быв, кротких землю достиг, отче, укроти настоящую бурю сердцу моему. Да в тишине божественней быв,

песнословлю твоя подвиги воспевая: Господа пойте и превозносите его во веки.

Естество плотское повинув духови постом и воздержанием, душу же божественными дарованми просветив, превысок умом сущих в вещех явлься, невещественна дарования Духа Святаго приял еси, воспевая: Господа пойте и превозносите его во веки.

Рака твоя источает верным исцеление, память же твоя, блаженне, сияющи паче солнца и всем души просвещающи, и мира мысленного восхищающи поющих: Господа пойте и превозносите его во веки.

Естеством добродетелей любви сопрягся отцу Трифану в духовных ему исправлениях в пусте моря с ним оземствуя с причастное души очищающи, воспевающе: Господа пойте и превозносите его во веки.

Целиши независтно верно призывающийи тя, целитель от Бога показася, очистник блаженне и прогонитель лукавым духом, яко звезда всесветлая от пустыни воссияв чудес лучами, просвещая вопиющих: Господа пойте и превозносите его во веки.

Кротостию, отче, наветы нося, терпя же и своя на тя востающая, отческим нравом последуя, тех житие в себе имея, приим от Бога

действие благодати, поюще: Господа пойте и превозносите его во веки.

Оружие убо пение, молитву же — стену, непорочную слезу — умывание имел еси, омывалище сквернам душевным, память же смертную сожителницу стяжав, преподобне, еже ум очище Бога зрети сподобися, поя: Господа пойте и превозносите его во веки.

Морское ядро освятил еси, преподобне, кроплением священныя воды, яко паучину червие отгоня, не терпяще бо ти крепости духовныя зрети и нечувственная отбегающу Господу, ты всем прославльшу яко верна своего раба: Господа пойте и превозносите Его во веки.

Богородичен: Ум убо нерожденный, Отец образно премудрым провещаеся, Слово же собезначална, соестественный Сын и Дух Святой, еже в Деве от Слова созда воплощение.

Песнь 9.

Ирмос. Ты, браку неискусимую, Матерь Бога Вышнего, ты паче ума рождешую Словом Суцгаго Бога и вышшую пречистых сил, немолчными славословении величаем.

Слезная капля гасило стяжав еси, воистинну страстным розгорением и любовью огня Божественнаго росе совокупився Христу Богу

нашему, тем же ты чтем, Варламе богомудре, и верою ублажаем.

Единое любви Христовы приложив свою душу, Варламе преподобне, и исполнитель заповедей Божиих многих чудес приял еси благодать, всехвалне, тем же ты почитаем.

Рака мощей твоих, Варламе, источник показася исцелением, к ней же всяк притекаяи, яко от крина воды почерпает исцеление независтно и избавляется всяких страстей душевных и телесных. Сего ради ты ублажаем, преподобне.

Господь прославльши своего угодника, яко ни гробу ходатаю забвению того добродетели сокрыти, но трубы яснейши вопием: Истекающими от него знаменми чудне не точию же ближняя, но и далняя оглашая, проповедаея мужа подвиги и труды.

Иже память твою священную творящим, отче, не престаи моля Избавителя даровати согрешением оставления и небесное царство воприяти, идеже глас празднующих веселит вся.

О двоица присноблаженная, равночестная отца, Трифане и Варламе, яко едино блаженство имущих от Бога, версто предобрая, нас призывающих ваю от всех лютых спасти я теплым предстательством вашим вас восхваляющих.

Богородичен: Стешняет мя широта величий твоих, Владыце, подавляя слово от частости, и преславно ми приходит недоведети от благодушства, тем же иже толико Тя возвеличившая славим.

